

Uppdráttur og greinargerð hafa hlotið þá meðferð sem skipulags- og byggingarlög mæla fyrir um.

Breytingin öðlast þegar gildi.

Reykjanesbæ, 15. ágúst 2001.

Ellert Eiríksson bæjarstjóri.

AUGLÝSING

um breytingu á deiliskipulagi „Hauka – Iðnskólareits“ vegna Haukahrauns 1, Hafnarfirði.

Bæjarstjórn Hafnarfjarðar samþykkti breytingu á deiliskipulagi fyrir „Hauka - Iðnskólareit“ vegna Haukahrauns 1, á fundi sínum þann 19. júní 2001.

Breytingin felst í stækkun byggingareits.

Breytingin var í grenndarkynningu 20. júní 2001 – 20. júlí 2001, samkvæmt 2. mgr. 26. gr. skipulags- og byggingarlaga nr. 73/1997 með síðari breytingum og yfirfarin af Skipulagsstofnun.

Bæjarstjórn Hafnarfjarðar lýsir því yfir að bætt verði sannanlegt tjón er einstaka aðilar verða fyrir við breytinguna.

Breytingin öðlast þegar gildi.

Hafnarfirði, 16. ágúst 2001.

F.h. Hafnarfjarðarbæjar,

Hafdís Hafliðadóttir skipulagsstjóri Hafnarfjarðarbæjar.

AUGLÝSING

um deiliskipulag og breytingar á deiliskipulagi í Garðabæ.

Breyting á skipulagi við Klettás 21-25 (21-27).

Bæjarstjórn Garðabæjar hefur samþykkt breytingu á deiliskipulagi við Klettás 21-25 (21-27) í Garðabæ. Í breytingunni felst að íbúðum verður fjölgað úr þremur í fjórar. Deiliskipulagsbreytingin hefur fengið meðferð í samræmi við 2. mgr. 26. gr. laga nr. 73/1997 með síðari breytingum.

Deiliskipulag lóðar fyrir minjaskála við Kirkjulund.

Bæjarstjórn Garðabæjar hefur samþykkt deiliskipulag lóðar fyrir minjaskála við Kirkjulund í Garðabæ. Deiliskipulagið hefur fengið meðferð í samræmi við 25. gr. laga nr. 73/1997 með síðari breytingum.

Endurskoðun deiliskipulags hesthúsabyggðar við Kjóavelli.

Bæjarstjórn Garðabæjar hefur samþykkt endurskoðun deiliskipulags hesthúsabyggðar við Kjóavelli í Garðabæ. Eldri deiliskipulagstillaga fellur úr gildi. Deiliskipulagið hefur fengið meðferð í samræmi við 25. gr. laga nr. 73/1997 með síðari breytingum.

Breyting á deiliskipulagi Arnarness við Hegranes 22.

Bæjarstjórn Garðabæjar hefur samþykkt breytingu á deiliskipulagi Arnarness í Garðabæ. Um er að ræða samþykkt byggingarskilmála sem gilda fyrir Hegranes 22 eftir breytinguna. Deiliskipulagið hefur fengið meðferð í samræmi við 25. gr. laga nr. 73/1997 með síðari breytingum.

Ofangreindar skipulagsbreytingar og skipulag öðlast gildi við birtingu þessarar auglýsingar.

F.h. Garðabæjar, 16. ágúst 2001.

Bergljót S. Einarsdóttir skipulagsfulltrúi.

SKIPULAGSSKRÁ

fyrir Rannsóknarsjóð um kvíða og skylda sjúkdóma.

1. gr.

Nafn og varnarþing.

Heiti sjóðsins er Rannsóknarsjóður um kvíða og skylda sjúkdóma. Heimili og varnarþing sjóðsins er í Reykjavík.

2. gr.

Stofnendur.

Stofnendur sjóðsins eru lækarnir:
Halldór Kolbeinsson, kt. 210455-3889,
Högni Óskarsson, kt. 190145-7199 og
Jón G. Stefánsson, kt. 100139-6859.

3. gr.

Stofnfé.

Stofnfé sjóðsins er kr. 525.000 og skal það ávallt haldast óbreytt að raungildi.

4. gr.

Stjórn.

Stjórn sjóðsins skipa stofnendur sjóðsins. Stjórnin velur sér formann, ritara og gjaldkera. Ef stjórnarmaður óskar eftir að verða leystur frá stjórnarstörfum, þá velur hann eftirmann í stjórn í sinn stað úr hópi gildra félaga Geðlæknafélags Íslands.

Falli stjórnarmaður frá skulu þeir sem eftir sitja í stjórn velja nýjan stjórnarmann.

Formaður kallar saman fundi stjórnar og stýrir fundum. Hverjum stjórnarmanni er heimilt að óska eftir fundum stjórnar þegar þurfa þykir.

5. gr.

Tilgangur sjóðsins.

Tilgangur sjóðsins er að efla rannsóknir á sviði kvíðasjúkdóma og skyldra sjúkdóma, m.a. með verkefnum, sem unnin eru á vegum sjóðsins, tækjakaupum, rannsóknarstyrkjum, launagreiðslum til aðstoðarfólks, ferðastyrkjum og endurmenntunarstyrkjum. Enn fremur skal heimilt að greiða einstaklingum umbun fyrir rannsóknarstörf og aðstoð við rannsóknir. Sjóðnum skal einnig heimilt að styrkja starfsemi Geðlæknafélags Íslands með fjárframlögum, svo fremi að þau séu nýtt í anda þessarar skipulagsskrár.